

06. Elija: fuqia e njeriut frymor

«Deri kur o të lëkundeni mes dy mendimeve ? Nëse Zoti është Perëndia shkoni pas tij ; por në qoftëse përkundrazi është Baali atëherë ndiqni atë...» 1 MBRETERVE 18 :21

QELLIMI

Ti shërbemë Perëndisë me fuqi dhe kurajo

HYRJA

Si një ndër profetët më të famshëm dhe dramatik të Izraelit, Elija ishte një njeri kompleks i shkretëtirës, që përballej me mbretër. Misioni i tij ishte të largonte prej Izraelit adhurimin e Baalit. Si një ndër karakteret më të mëdhenj dhe romantic të Izraelit, Elia është për ne përfaqësues i njeriut frymor. Ai profetizoi përbara mbretit Ahab se nuk do të binte më shi për një kohë. Në Zarefat ringjalli birin e vejushës (1 Mb 17:17-24). Në malin karmel zbriti zjarr nga qielli (1 Mb 18:16-46). Tek 2 Mb 2:1-12 na thuhet se Elia ndau lumen Jordan në dy pjese që të kalonin në tokë të thatë. Më pas, ndërsa Eliseu shikonte, Elia u ngrit në qiell me një karrocë flakëruese. Tek Malaki, Zoti premtoi të dërgojë një tjetër profet si Elia në mënyrë që të kthejë “zemrat e etërve tek bijtë e tyre dhe zemrat e bijve, tek etërit e tyre” (Malaki 4:5-6). Kjo profeci u plotësua në Gjon Pagëzorin. Luka 1:17 e rregjistron mesazhin e engjellit ndaj babait të Gjonit, Zakarias si: “dhe do të shkojë përpara tij në frymë dhe pushtet të Elias për të kthyer zemrat e prindërve tek fëmijët...” Ungjijtë përmendin shfaqjen e Elias në Malin e Transfigurimit përkrah Moisiut dhe Jezusit. Dhe se fundmi në Zbulesën 11:4-6 ka shumë mundësi të bëhet fjalë për Elian, për shkak të fuqisë së tij për “të hapur dhe mbyllur qiellin...” Nuk ka dyshim pra se Elia ishte nje njeri me fuqi frymore. Porse fuqia e tij nuk qëndronte në mrekullitë që mundte të bënte, por në mardhënien që ai kishte me Perëndinë. I njëjtë Frymë i Shenjtë që fuqizoi atëherë Elian, ka mundësi të fuqizojë cdo fëmijë të Perëndisë sot. Jezusi na premtoi se do të kemi fuqinë frymore që kemi nevojë, menjëherë pas ardhjes së Frymës së Shenjtë në ne. (Vep 1:8). Megjithë dëshirën që secili prej nesh mund të ketë për të qënë i fuqishëm si Elia, kryesore është që të kërkojmë Fuqinë e Frymës së Shenjtë për të forcuar me të vërtetë mardhënien tonë personale me Perëndinë. Perëndia mund të na përdorë ne, vetëm nëse bëhemi plotësisht dhe në mënyrë të pakushtëzuar pjesë e planit të Tij nëpërmjet jetës sonë të përditshme të shenjtë.

STUDIMI

Elia

1. Lexo 1 Mbretërve 17:1-17. Shpjego cilësitë kryesore të Elias
2. Cfare karakteristike e tij, te inkurajon ty sot per vazhdimin e luftes se besimit

Vejusha

1. Vëzhgoni besimin e vejushës (1 Mbretërve 17 :17-24)
2. Si ndryshoi më vonë qëndrimi i saj ndaj Zotit?
3. Si të ka claruar ty Zoti nga faji në kohë krize ?

Ahabi

1. Lexo 1 Mbretërve 18 :1-18. A duket se Ahabi e kishte kuptuar shkakun kryesor të problemeve? (v 17)
2. Cili ishte problemi vërtetë? (v 18)
3. Përshkruaj një moment, kur edhe ti ishe në një problem, pa dijeninë tënde, derisa dikush ta tha.
4. Si mund tu shmangesh mëkateve (Fjalët e Urta 3:5-6)

Profetët e Baalit

1. Lexo 1 Mbretërve 18:18-40 dhe shpjego arsyen e veprimeve të Elias kur
 - a. I foli hapur popullit
 - b. Sfidoi armiqtë e Perëndisë
 - c. U tregoi hapur mashtrimin ku kishin rënë
 - d. Mbushi altarin e tij me tepër ujë
 - e. Ju lut Perëndisë
 - f. Urdhëroi shfarosjen e priftërinjve të rremë
2. Si mund ta aplikoni sot këtë ngjarje ?

APLIKIMI

- A. Përshkruaj mardhënien e Elias me Zotin
- B. Si krahasohet mardhënia e Elias me Zotin, në lidhje me mardhënien tuaj me Zotin ?
- C. Si ka ndikuar fuqia e Perëndisë në ty, në shërbim të të tjerëve ?
- D. Cfarë ndryshimi logjik dhe frymor, mendon se ke nevojë në mënyrë që të marrësh fuqinë e dëshiruar të Perëndisë ?